

痘疹會通

省中医学委员会藏

编号 11-279 $\frac{2}{2}$



痘疹會通卷之四

附邵大仙秘授宋杏庄十二方歌

蘇解散

風寒外感咳嗽蘇解散子能安平胃枳殼桔梗紫蘇前胡同煎薑葱取來作引服
此咳嗽眠安邪踈胃實尤堅方見醫家手段

攻發散

隱在皮膚不出攻發散子爲模川芎甘桔防蘇青皮白芍前胡葛根僵蚕笋煑勸
君切莫糊塗服此點淡紅珠十二日來安愈

起頂散

灌膿不能起頂芎歸查肉保元白芍朮芷尤佳枸杞淫羊藿驗黃豆須用十粒人
乳半盞同煎羊棗扶脾便安服此十分漿灌

結靨散

結靨不能收斂四物湯磨木香山查白芷首烏甘草炙耆停當只此數般藥餌不須計較短長水煎服罷勿疑依此收斂安康

鎮胃散

已出未出嘔吐鎮胃半夏煨薑藿陳朮茯苓砂仁糯米一握煎嘗服此若能吐止只消一服爲良再服一劑無虞吐止痘隨生旺

堅腸散

堅腸湯止泄瀉柯薏芩芷參耆查陳升朮甘桔水煎須與泄止腸堅自然進食父母不必憂疑勸君早治勿延休作尋常兒窺

利咽散

痘疹咽喉痛苦可憐飲食難吞甘桔防風元參陳前豆根有驗此散名曰利咽加

上菉豆一握射干牛蒡同煎莫向風波夾險

潤腸湯

大便若還滯結潤腸湯却如神當歸枳殼大黃紫草厚朴同煎芝麻潤腸快利石
羔助佐成功糯米一握水煎便滑如常平安

清利散

小便倘或閉澁清利散治何難木通猪苓澤瀉車前赤苓麥冬多用燈心可羨糯
米一握作引不須別法妄治易揀之方甚驗

定痛散

痘疹腹中作痛定痛散子無他青陳麴蘖山查甘草良薑無價面青腹痛不止附
子一片宜加水煎大服漸痊痛止非常造化

斬關散



痘初口鼻出血斬關散子可憑牡丹生地赤芍藕節黃芩茅根犀角取來磨服菉豆一握堪行不須計較勞心此法鬼神皆應

奪命丹

能治急漫二驚奪命靈丹神應天麻白附砂仁冰麝硼砂最穩甘艸炙炒全蝎眞正牛黃膽星薄荷汁麴丸成金箔爲衣貼定

化癍湯

能消癍疹惡毒荊防牛蒡前翹花粉山甲能消五加丹皮最妙甘艸稍子同入何須慌張愁悶諸般惡痘皆收另出一般好痘

清地退火湯

如疥如癍形勢內因火毒燠蒸一齊湧出非輕涼血解毒消疹紫艸紅花蟬退翹甘牛葛防通歸地柴胡燈心水煎癍除色正



又加減清地退火湯

半朝見點一
熱毒盛者俱可用

大力地皮桔梗生地赤芍防風紅花乾葛柴胡黃芩地膚連翹甘艸夾熱見苗硬
閉大黃厚歸枳殼熱甚再加石羔芒硝入之尤妙

紫草化癍湯

放標紅癍紫黑又嫌身熱不除若非紫艸化癍紅癍變黑必死紫艸木通糯米生
地石羔防風紅花黃芩柴胡地膚翹甘同用

痘症藥性宜忌

一發熱狀類傷寒憎寒壯熱身體疼痛鼻流清涕如是或服柴葛湯或參蘇飲內去
參苓半夏恐補早助火也氣虛忌升麻引動肺氣
一泄瀉須分寒熱寒者小便清且多宜理中湯少許乾薑或參苓白朮散朮苓非泄
瀉發泡不可用以利故也恐引水下行則上枯澁不能生發然久瀉亦有津液下行

渴者宜審之熱瀉小便赤且少口渴多汗而身大熱宜去桂五苓散加木通乾嘔加薑汁炒川連口渴加麥冬久瀉不止米飲調豆蔻丸

凡用紫艸必用糯米以制其冷性使不損胃氣無泄瀉患惟大熱便閉不用糯米

一出痘時眞紅赤掀摸過皮軟不碍手者此係賊痘過三日變成水泡甚至紫泡甚泡此危症也急少下保元湯大加紫艸蟬退紅花解之或煎燈艸木通湯調六一散利去心經蘊熱而紅紫自退或已成水泡則保元可下四苓兼用此千金妙法也

一痘出必氣勻血行庶出快而無餘症倘時寒涼及勞役瘦弱之人氣滯血凝痘出不快蓄于皮膚之內肌肉之上日久變成紫黑矣凡有此候當按經急與調和之劑使毒隨痘出也如頭面出不快此太陽經也用荊甘羌防天麻湯胸腹出不快此少陽經也用藁本木通升麻紫蘇湯四肢出不快此陽明經也用芍蘇乾葛甘草連鬚葱白湯多加薑引連進二服痘出快矣

凡痘初熱時要表虛則痘易出宜疎解柴葛湯以開其腠理忌參耆以助火既出痘要表實則痘易起漿易回無反變黑陷痒塌之患用保元湯肉桂防風引其上達肌以固表若漿回之際要表裏皆實無遲回利攻之禍亦保元湯加六麴砂仁陳皮查肉木香以補中夫保元一湯用之既漿之時則耆多參少以固表重而補爲輕也用之結靨之時則參多耆少以補爲重而固表輕也且如初時用生耆則以肉桂防風引使上行中用耆則以酒炒托膿結靨使用黃耆則以蜜炒使補中內實如用參必配天冬桑皮橘紅爲監制以罩肺氣使參不撓肺無痰嗽之症如用當歸必配川芎白芍爲監制使血無泛濫浸淫之害白芍合當歸血氣乃和始能尖圓紅潤易漿易靨

一痘起漿時卽小便不通切忌用茯苓只可用木通恐其利水使漿不足之故

一痘回至頸切忌黃耆宜用四苓散利之耆乃托出之藥既回而復托之升降不定

毒必內攻而死也

一發熱雖忌生冷然有大熱自汗如水神昏譫語者此心火亢甚又宜用泉水漱口以降心火則痘自出蓋自汗則表已虛切不宜再表恐亡陽故也

一出痘自半歲至十三歲多有虛火可用保元湯自十五六歲至二三十歲多陰虛火實宜四物湯加牛膝菴蓉以養陰黃柏知母以降火切忌參耆以助火矣

一娠婦產後多血虛倘誤用參耆反助火邪必發狂燥哭叫又首尾誤食滑石則胎自落如煩燥大熱少與泉水漱口以從其權也

婦人不分胎前產後一見紅紫稠密此熱毒之症胎中又忌寒冷切忌紫艸紅花以傷胃氣又忌參耆以補肺氣只可用茜根桂圓芫荽煎酒服之

一痘未腫面先腫者乃純陽無陰之症切忌參耆只用四物加人乳好酒和服此養陰以退陽之義也

一痘出嘴角發泡者後必作瀉當先利小水以防之用四苓湯加砂仁六麴
一痘出大熱不退乃血熱毒盛也宜紫艸蟬退紫色是血滯宜紅花黑色乃血枯宜
蘇木茜根白色乃氣虛宜參耆灰白乃氣滯宜山查見白色當用肉桂少許使退癰
活血至一切熱毒等症發表之後非大寒涼重劑不救

指南賦

人參益內甘艸和中用黃耆而實腠得蟬退以開肌紅花有活血養血之功生地有
涼血行血之効痘若乾紅便宜加入紫艸滑肌通竅毒壅堪行熱症賴之而有益虛
寒誤用以漕便山查耆遏瘡疹能消食積兼理氣滯於補益湯中且解鬱結於透肌
湯內輕其表而涼其內功在荊翹發其壅而疏其肌妙施蟬蛻利咽喉而清氣道能
發散而善開提功必資于桔梗分清濁而利小便消痘母而去膨脹効莫大乎腹皮
川芎引清陽而達表勿缺於未滿之前芍藥斂陰氣以濟陽可多於漿足之後牡丹

皮去血中之毒壯熱煩紅爲聖藥地骨皮去氣中之毒毛焦熱甚是良方官桂有鼓動陽氣之能神倦而不振者用之以收實効丁香有贊助元陽之力內虛而不起者得之以奏奇勳木香順氣而理脾寒泄瀉湯中必用乾葛療肌而退胃熱煩渴方內須加白朮茯苓能健胃佐參耆而益氣當歸生地補陰虛君枳殼而潤堅解蘊毒於犀角黃連惟熱甚則前後堪用定心煩於麥冬用之不宜過多有渴症則終始宜加大附子反本回元能理虛寒而收戰慄天花消痰清胃且收肺氣以發聲音白芷疎風痘毒憑之而發散紫蘇疎氣寒邪賴是以驅除羌活有運毒達表之權防風有散邪逐毒之妙僵蚕只利于肌膚消風定痒如神枳殼能平乎胸膈下氣寬中至速開腠定喘以麻黃壅遏憑之而發散平胃溫中以厚朴腹脹用是以消磨龍骨枯礬權行澁泄豬苓澤瀉暫用安便乾薑溫中氣而止嘔吐是以胃寒而虛瀉則宜用大黃蕩腸胃而潤燥堅是以熱壅而便閉則當加鼠粘清利咽喉透肌解毒升麻升發元

陽堪散瘡瘕柴胡解肌安表黃芩黃柏退熱消癰止嗽開痰于浙貝清便降熱于山
梔牛中黃化風熱而療癰瘤誠扶危救急之能龍腦葉涼心血而起黑陷有撥亂反
正之才麝香開竅于毫毛亦能發汗雄黃解毒於臟腑并可消痰辰砂鎮心定志而
有養血涼血之用珍珠透裡入堅而解骨中髓中之熱訶梨勒斂肺氣而澁腸肉豆
蔻溫脾胃而止瀉天靈人齒但能發鬆肌肉過用則肉裂皮崩山甲虫蟬實可振揚
痘毒多施則虛招空壳藥味不究多誤人取效每存乎常品明乎此篇思其過半

痘疹合用藥性總論

夫藥有寒熱溫涼之性酸苦辛鹹甘淡之味氣有陰陽不同行則升降各異辛甘發
散爲陽酸苦湧泄爲陰濁之濁者走於五臟清之清者發其腠理清之濁者四肢可
實濁之清者六腑堪至淡則滲而酸則收辛散可識鹹則軟而苦則泄甘緩須知橫
行直達治法不同稍降根升製宜尤異故藥性爲立方之大旨治病之樞機也欲立

良方先識藥姓開具於后

防風 甘辛微溫風熱盛者必用痘症中要藥也

蘇葉 辛溫初發痘時乾熱無汗者暫用

薄荷 辛溫消風熱清頭面之火

羌活 苦甘溫傷寒門太陽厥陰表裏熱俱用發痘時腰痛必需與獨活同用獨活

性苦寒能入少陰

藁本 辛溫利頭痛行血滯不宜多用恐其辛散

荊芥 辛苦溫疏風退上焦之火爲至要治痘發狂譫語起灌時不宜用

麻黃 苦甘性溫發熱惡寒者用散寒邪見點後不用冬令重用麻疹症要藥

細辛 辛溫開竅止嗽療齒痛散頭面諸風

生薑 辛溫止嘔和中助陽發表又助參耆

陳皮 辛苦溫健脾胃溫中化痰理氣退熱俱可用

芫荽 辛溫微毒發痘之要藥也

觀音柳又名 山西河柳 味辛甘痲疹初發之要藥也

白芷 辛溫去頭痛皮膚之風除身熱瘡痒之痺

升麻 苦辛微寒解熱毒發散瘡痍初熱當用

葛根 甘平寒解肌表熱口乾渴者宜用見點之後忌之

柴胡 苦平性寒解肌表熱毒用之以托痘毒務要酒炒

前胡 苦微寒無毒傷風咳嗽痰涎者宜用

黃芩 苦寒瀉肺火解肌熱上焦熱者必用

梔子 苦寒涼心腎治衄血散客熱療虛煩務要炒黑用

桔梗 苦辛溫寬胸膈理咳嗽利咽喉爲諸藥舟楫



蘇子 辛溫寬胸下氣止嗽消痰

藿香 辛溫止嘔開胃進食溫中

木香 苦辛溫和胃健脾痘痢散諸滯氣如神

青皮 苦寒破下焦滯氣除熱消食

枳殼 苦酸微寒破滯氣大腸經熱盛結者必用

枳實 苦酸鹹寬胸下氣小腸熱者可用

山查 甘溫行氣化痰起痘消食有制參耆之功

厚朴 苦辛溫消腹脹健胃寬中泄瀉亦用

麥芽 甘溫消食健脾

大腹皮 辛微溫消浮腫除腹脹散毒氣

神麴 甘溫開胃進食中焦停滿可用



檳榔 辛甘溫墜滯氣治後重如神大便閉者暫用

瓜蒌 苦甘無毒潤肺下氣寬胸膈止嗽定喘

丹皮 辛苦寒去脾胃腸中積血

桑皮 甘寒瀉肺定喘下氣寬胸

紫苑 苦溫無毒清理肺氣

橘紅 辛甘微寒無毒

杏仁 苦溫潤肺止嗽潤大腸

款冬花 辛溫無毒能潤肺清燥

天冬 苦平無毒清肺寧神

麥冬 甘平止虛渴煩燥退肺中伏火及心火其性亦帶收斂不宜多用初起風火

之症忌之

浙貝母 辛苦微寒消痰止嗽利心肺除風熱痘症之書多寫川貝其無考耳

牛黃 苦寒解心經之毒狂譫宜用

龍腦 苦寒解熱毒利小便散煩熱

牽牛 苦寒無毒用分黑白氣血兩行之藥

地骨皮 苦平寒治脾經蒸熱

瞿麥 苦寒無毒去濕熱

元參 酸苦微寒消癰毒治頸中痰熱退無根之火

青黛 鹹寒無毒能去肺胃二經實火

川黃連 苦寒瀉心火厚腸胃解痘中毒止驚悸痘中血熱必用務要酒炒或人乳

炒

犀角 苦酸鹽去心火解熱毒痘血熱者磨用

